

Contact Numbers pawimaw : DC/CCPur : 03874-234234 SP/CCPur : 03874-236747 Police Station : 03874-202248 SP Control Room: 03874-233239 Dist. Hospital Casualty : 03874-233370 Fire Brigade : 8974 147 799/ 8258 057 887 / 8974 103 600 SP Hotline Number 7085-256-377



Hmasawanna Thar

(A N I N D E P E N D E N T D A I L Y N E W S P A P E R)

Regd. No. RNI - 40917/89 | Postal Regd. No. MNP - 67



Pippa Middleton Mo form Rs.32 Lakh man-P4

Hmasawanna Thar Vol - 32/211

Churachandpur

email : hmasawannatharnews@yahoo.com

Phone: +91-3874-236846

Rs 6/- per copy

Martyrs hai ruong May 24-ah vui a ni ta ding



CCPUR: Joint Action Committee Against Anti-Tribal Bills (JACAATB) le Manipur sawrkar han May 10, 2017 nia Memorandum of Understanding (MoU) an ziek ta le inzawma Bills 3 hai dodalna le inzawma thina tuok mi 9 hai laia an ruong la vui lo Martyrs 8 hai ruong chu Mata Dam bul lai ram lien takel, CC-Pur Public Ground tiet vel ding, a tul huna Helicopter tumna (Helipad) a hman hlanaka hmuna vui dinga thutlukna siem a n tah tiin ei thu dawngna chun a hril. Ruong hai hi May 25, 2017 chena vui dinga remti a ni dungzuiin JACA-ATB team le DC, CCPur R. Sudhan han a vuina ding hmun hran han dapkuol a ni hnunga an sukfel a nih.

MPC, UZO, STC, TCU le YPA han martyrs hai ruong vuina kawnga mawphurna lang an ta, JPO chuh movement le Tribal martyrs hai le inzawm thil an la kawl hai JAC a UZO palai Thangzamang Zou kuta pedawk ding an hrietir.

Ruong vuinaa mawphurna pek an ni angina MPC, UZO, STC, TCU le YPA thuoituan ruong vuina ding hmun inthiefaina sin an thaw tan a, martyrs hai ruong May 24, 2017 a vui ning a tih tiin JAC thusoek chun a hril. Public grouh hmuna martyrs hai sunna hun hman ning a ta, hi hmuna inthawk Truck pakhat senga phurin vuina ding hmun panpui ning a ta, ruong vuiliem zo a ni hnungah Memorial Park bawl ning a ta, Park bawl ding design tu dingin Mizoram inthawk Architech hung an ta, August 31 (Tribal Unity Day) hmaa hung thung hman dinga martyrs hai statue khawm Delhi-a order a nitah tiin ei thu dawngna chun a hril.

Ruong vuina ding hmun sukfel a nita le inzawm hin JAC chun thusoek siemin, Tribal Movement inthawk inthawk hliemna tuor le martyrs hai ruong tlawngai taka enkawltu Joint Philanthropic Organization (JPO) chunga lawmthu a hril a, MoU a hming ziek

SDDC in Reminder an pek



CCPUR: Saikot Sub-Division Demand Committee chun Mr R. Sudhan, IAS, DC, CCPur fielna angin May 20, 2017 khan a office-ah an va pan a, hi huna hin Saikot Sub-Division chungthu le harsatna hai an hriitlang.

taka hmalatu DC, CCPur chu mipui han theitawpa thlawp ding an ngen a, Saikot Sub-Division area chu sawrkarin nuhrainwina an kawng ang ela, sawrkar office le infrastructure, lampui le water supply hai khawm a thatakawng thu, Saikot PHC chu Manipur-a Service tha tak laia thlang a ni le inzawmin Community Health Centre-a hlangkai vat ding, Industrial Training Institute (ITI) chu Trade tamlem sie belsa nisien, SAikot Govt. H/S chu Hr. Sec. levela hlangkai nisien ti le Ngurte Village-a Primary School indin ti hai chu Manipur CM N. Biren Singh in hriet ringawt nilova an rang thei anga sukpuiting pek ding an ngen bawka nih.

Reminder a hin point 5 a chuong a, chuonghai chu, Thawktu tul zat pek le office furniture; Land document hai transfer; Khuo 5 Saikot Sub-Division-a laklut ding; Nationalised Bank le ATM facilities hawng ding le SDPO post Saikawt-a hawng ding tihai a thang niin zanita SDDC in thusoek an siema chun an zieklang.

SDDC chun DC an inhmpui hi remchanga lain Hmar Thangsuopuon insiltirna an nei a. Indik-

Rampum huopin Anti-Terrorism day hman a nih Helpawl Inpehai Rehabilitation Package Siemthat A Pawimaw: CM

IMPHAL: India ram pumpui helnain a chawkuoi leia Prime Minister Mr Rajiv Gandhi chen helhai kut tuora thina a lo tuok tah lein, tharum insuona le rikrapna chetnahai do dinga intienna ni dinga sawrkarin kum tin May 20 Anti-Terrorism Day a inser dinga a duong angin Inrinni khan Manipur thangin India hmun hran hranah a ni hi ursun taka hman a nih.



Manipur ah chun 1st Battalion MR Ground, Imphal ah Chief Minister khuol liena thangin hman hman a nih. CM inrawina hnuoiah mipui fekhawm han helna do tläng dingin thutiem an nei.

Chief Ministry Mr N. Biren Singh chun, "Sawrkâr thar chun hmasawna thatak le danglamna ditumtak a thung theina dingin thei tawpin hma a laka chu, kil tina inthawka thlawpna a mamaw a. "Ei rënga ei thangruol naw chun danglamna le hmasawna um thei naw nih" tiin a hril

hril. "Sawrkâr thar chun mi tin leh inrem taka um tläng diel harsatna le buoinahai chu inbieka relfelpei a nuom lai zingin, State khawidarna ding thu le inzawma chun tu pawl leh khawm inremna siem ngai naw nih" tiin, helpawl thenkhatin Manipur khawidarna ding zawnga an hmalakna le inzawm a hril bawka.

Hi thua hin abikin ram le hnam thuoitu civil society hai chu tukhawmin media hai hmaning tul lova hriifiena amanih, claim le counter-claim amanih, hnam le hnam kara buoina siem thei ding thil hrim hrim

siem/insuo/thedar lo dingin a fiel tawl a nih. Mipuihai chu ei state-a inkuongruol taka hmasawna a um theina ding inrem taka um tläng dingin an ngen a. "Sawrkâr chu mipui sawrkâr indiktak a nih ti suklangna dingin thla tin ni 15 Mipuihai Ni anga hmanngna hin a fie a. Sawrkâr le mipui karah inbiekpanna le inhrietthienna tha tak a um phât chu inhrietthiennawna hai chu automatic-in hung bo el a tih" tiin a hril bawka.

Sawrkâr thawktu thenkhat Manipur Secretariat-a bureaucrats le officer han file an cheltang ti thauh, Chief Minister chun a Whatsapp (Phone) number chu vantläng

(public) hriet le inzawm a nih lein tu ha'm file cheltangtu ti a hriet vawng thu a hril. Sawrkâr thawktu tukhawm an thawluina/hremna pek a nuom naw a. Mani sin seng indiktak le lunglut takin mipui rawngbawltu an nih ti theinghil loa thaw ding an fui tawl.

CM chun, state-in hma a sawn theina ding chun mimal tin le sawrkâr thawktu tin maniah discipline tha tak nei seng a pawimaw thu a hril a. Sawrkâr thar thiltum tak hmasawna tha tak a nih lai zingin, mi po po le, abikin sawrkâr thawktuhai thangpuina le thlawpna a mamaw thu a hril bawka. Hi hunsera thang

ve CAF & PD minister Mr Karam Shyam chun, mirhriem hringna nekka hlu hi a um nawh a. Inthathahai hi thil thalo tak a nih. Manipur, inthathna tamtak thung zing zingna hmun, helpawl le rikrapna che tamna state ah hieng ang hun pawimaw Anti-Terrorism Day hman theia ei um hi a tha hle a nih, tiin a hril a. Helna le tharum insuona (terrorism) chun thil tha iengkhawm an thun nawh a, lungngaina le beidawngna, mipui harsatna chau a nan thung hlak tiin a hril bawka.

Anti-Terrorism Day hi India ram pumpuiaha May 20 zatin inser hlak a nih. Asan chu, May 20, 1991 khan Prime Minister Rajiv Gandhi chu Sriperumbudur, Tamil Nadu ah Tamil helpawl han thichil bomb hmaning an that a. Chu ni hrietzingna dinga helhai dona ni anga hman hlak a nih. Manipur-a khawm district headquarter tina le department haiha khawm hman a nih.

Battle of Imphal hrietzingna hunser hman



IMPHAL: World War -II Imphal Campaign Foundation le Manipur Tourism Forum hai thangruola an huoihawtnain zanikhan Imphal War Cemetry le Maibam Lotpa Ching Japan War Memorial Complex, Mamol haiha Battle of Imphal(World War-II) hrietzingna le a wavi 73-na

champha le inzawmin hunser hman a nih. Hi hunser hmanngna hin CM N.Biren Singh, C Apok Jamir, Parliamentary Secretary, Nagaland le Ambassador of Japan to India Kenji Hiramatsu hai khawm an thang a, Indopui pahina huna laia sipai thihai th;lanah inzana le hrietzingna par an sie tawl.

CMO Pherzawl rawiin meeting nei

CCPUR: May 20, 2017, 10:30AM a inthawk khan CMO Mini Conference hall, CMO Complex-ah Dr Liankhohjam, Chief Medical Officer, Pherzawl district inrawinain meeting nei a ni a, hi huna hin S. Thangthianmuan, Consultant, NVBDCP chun Health Department mawphurna tum tum hai hriitlangna a nei.

Pherzawl district hnuoia hriselna tiengpang le inzawma Department tum tuma mawphurna nei han tha lema sinthaw dan ding le hmatiating peia thil thaw dan ding hai an hriitlang. Meeting huna hin Dr Phirthinglien Buhiril, DMO le Perzawl district Medical Department hnuoia lien tum tuma mawphurtuhai an thang tawl.

Geography ah first position a lak

DIPHU: Tv James Lalü huoisang Infimate, s/o Rev. F.L. Sawnga le Thangtuzo Infimate of Diphu, Karbi Anglong chun Assam University, Silchar hnuoia a inthawk 2015 Academic Session a khan B.A. Geography honours ah First Class First position a lak a, May 17, 2017 khan Gold Medal inhlan a nih. A hlawtlingna hi ei Chanchin-



bu chun a lawmpui hle.

Shirui Festival hlawtling taka zofel

UKHRUL: Sawrkâr thar a hung uma, tlangram le phairam kârah inlaichinna thar a um theina ding le Manipur-a State New Tourism Festival a um theina dinga Chief Minister Mr N. Biren Singh-in, CM a nina le inzawma a thilthaw that hmasahai laia pakhat nih dinga ni nga sung aw ding Shirui Lily Festival

May 16-20 chen buotsai chu hlâwtling takin a lo t umtiok tah.

Closing Ceremony-a hin Manipur Governor Pi Dr Najma Heptulla chu khuollienin a thang a, thu a hriinaah, state sawrkâr le pawl dang dang hi Festival hlâwtling theina dinga hmalatuhai po po kuomah lâwmthu a hril a. Abikin

CM Mr N. Biren Singh chu Festival thar siema hlâwtling taka hman theia a um lein a lawmpui thu a hril.

Ei rama leilung hausakna hai, cultural heritage le biodiversity hausakna ropui tak takhai mipui inhrilhrietna hum remchanga tak siem theia a um lein ropui le lâwmthu a thu a hril a. Tuta

State Tourism Festival thar siem le neia um hi ei rama Tourism sukhmasawna dinga pawimaw tak a hung nih pei a beisei thu a hril bawka a. Ukhrul ah mi tamtak ko luttu, a ram le leilung mawina thara siemtu a hung ni pei a beisei thu a hril bawka. Hi parte mawi tak, May >>page 4-ah sunzawna

Dy Ranger Suspended, Truck 2 man an nih



IMPHAL: Forest and Environment minister Mr Th Shyamkumar chu, forest department thawktu han indik naw taka sin an thaw lein, abikin Ningani zana thing phur Truck pahni man an nina thauh a lungawi naw hle a. Chandel forest Division hnuoia Molnoi Beat Office-a Beat Officer, Dy Ranger Md Altaf Ali Khan chu a sina inthawkin a ban (suspended). Ban a ni sung hin Md Altaf chu DFO office, Chandel FD ah um zing a tih tiin Principle

CCF & HFF Dept. Mr K. Angami order chun a hril. Minister in Mantripukhiri CFD office-a chanchinbuhimhai a hril dan chun, DFO Central Div Mr L. Joykumar hai chun zani zan dar 8pm khan Matai Garden, Khabamast ah thing phur truck pahni an man nin a hril. Truck hai hi lekha mumal um lova, dan lova Khudengthabi, Chandel a inthawka Imphal hung phur thung an nih tiin a hril a. Mantuhai chungah lâwmthu a hril bawka.

7-Day Basic Course in News Reporting

IMPHAL: June, 2017, haptakar khathna khin District Headquarters, Churachandpur-ah Directorate of Information and Public Relations, Government of Manipur huoihawtnain 7-Day Basic Course in News Reporting nei ning a tih tiin Director, IPR, Govt of Manipur chun zanikhan inhrietirna a siem. Hi taka

thang nuomhai chun hmina lekha, passport size thalak copy 2 le educational certificate/documents attested copy-hai leh May 31, 2017 chenin District Information Officer, Churachandpur kuomah pek thei ning a tih. Thiemna Graduate a ngai a, course fee Rs 300 pek a ngai bawka. Seats umzat 20 a nih.

Rajya Sabha Byelection May 25-ah

IMPHAL: May 25, 2017 chun dar 9-4PM inkar sung khin Committee Room, Manipur Legislative Assembly, Imphal-ah Manipur a Rajya Sabha seat khat chau uma byelection nei ning a tih. Rajya Sabha byelection hung um dingah hin BJP chun BJP Mani-

pur Pradesh President Ksh. Bhabananda an candidate a, Congress Party chun Dr Elangbam Dwijamani an candidate. Rajya Sabha member ni lai Haji Abdul Salam damnawna leia Feb.28, 2017 a thi leia byelection nei hi a hung tul a nih.

Ni 2 aw ding Barak Spring Festival

IMPHAL: Department of Tourism, Government of Manipur huoihawtnain ni 2 sung aw ding "The Barak Spring Festival" chu May 22, 2017 a inthawk khin Barak Spring Festival Senapati-ah nei ning a tih. A hma chun hi festival hi kum tin thlasik hun laia nei hlak a nih. Barak Festival hawngna May 22, 2017 a chun Chief Minister N. Biren Singh, khuollienin thang

a ta, N. Kayisii, Minister, Tribal Affairs & Hills and Fisheries le L. Dikho, Minister, PHED, Printing & Stationery chu Chief Host le Chief Celebrant in thang an ta, Festival khar ni May 23, 2017 a chun Maj. Gen. U Suresh Kumar, YSM, GOC 57th Mountain Division khuollienin thang a ta, Mr Athem Muivah, IAS, DC, Senapati Guest of Honour in thang a tih.

Law Assistant interview result

IMPHAL: High Court of Manipur hnuoia contract basis-a kum 1 sunga Law Assistant sin thaw ding lakna dinga May 18, 2017 nia interview neia um result puong a ni ta a. Mi pathum an hlawtling a, chuonghai

chu Nongmaithem Anamika Devi, Kimneichong le Nongmeikapam Victina hai an ni a, May 19, 2017 a Notice insuo a inthawk ni sung sung offer form la dinga inhrietir an nih. Wait list ah mi pahni an um.

June 3 a inthawk EVM Challenge tan ning a tih: ECI

NEW DELHI: Election Commission chun Electronic Voting Machine (EVM) tawkdanglam thei a nih tia intumna um le inzawmin zanikhan Electronic Voting Machines (EVMs) le Voter Verifiable Paper Audit Trail System (VVPATs) hai um dan thauh demonstration a nei a, EVMs tawkdanglam thei a nih, tia intumna chu an dik nawh tiin a hril a, EVM hai hi temper-proof (tawkchang theilo/sukdanglam theilo) an nih tiin a hril.

Electronics Corporation of India Limited (ECIL) a technical Officer B.P. Mishra chun demonstration huna hin EVM tawkdanglam thei nia intumna chu thu diklo a ni thu hriin EVM le VVPAT hai sin thaw dan hai practical in inentirna a nei. Ama baka hin ECIL thawktu Kharesh Yadav khawmin EVM le VVPAT procedure inentirna a nei a, ballot button hmet chara voters le candidate hming chuongna slip a



hung print daw dan hai an entir. EVM tawkdanglam thei a nih tia intumna le inzawm hin, tawkdanglam thei a ni dan sukchiengna le inentir theina hun EVM Challenge

nih tia Political party tumtum han intumna siema, paper ballot system bawka hman nawk dinga Election Commission an phutna leia hung um a nih. "EVM Challenge" chu June 3, 2017 a inthawk tan ning a tih tiin Chief Election Commissioner Nasim Zaidi chun zanita Press Conference huna a hril. Tuchena hin EVM tawkdanglam thei a nih tia sawisela siemtu haia inthawk an thangsan le sukchiengna pelut tukhawm

an la um nawh. EVM internal circuit thlaktheng chu thil theilo hulhuo a nih. Ei EVM hman hai hi technological features tha le nghet tawka a siem an ni a, tawkdanglam mei mei thei an ni nawh tiin Zaidi chun a hril. Hienganga sawisela um lei hin EC chun hmatiangna Election nei ding haia chun voters han an vote thlak an dik le diknaw an fie nghal theina ding VVPATs hman vawng a nita ding thu a lo puong ta a nih. (PTI)

HT weekly-t00n Contributed by: LRS Puruolle



Nuom in a football a lien rak a, a Martyr hai hmu theilo khawpin a hlie nawk a!

VAWISUN THUPUI
Chuongchun Pathien thuthuin um ro; amiruokchu Diebol chu dodal ro, chuongchun tlanhmang san a ti cheu. Pathien hnai ro, chuongchun aman hnai a ti cheu. Mi suolhai, in kuthai sawp'ai ro, lungril inthieng neihai, in lungrilhai sukthieng ro.
- Jakob 4:7-8

Editorial

Khawvela ro hlu tak

Ro hi thil hriifne thiem harsa tak el a nih. Ieng-khawm nisienla, ei thiem le hriet ang taww tawkin hang hriifne tum ei ti h. "Ro chu thil iengkhawm nisienla mihriemhai ta dinga tangkaina nei le hlutna nei, sienkhawm, thil vang tak le tlo tak baw si hi a nih," ti thei ning a ti h. Mihriemhai ta dinga a bova ei um thei der lo bu, tui le boruok thienhlim hai hi an tangkaiin an hlu hle a. Amiruokchu, tui le boruok hai hi tukhawma roin ei tiem ngai nawh. Tienlaia ei pi le pu han ro hlu em em a an lo ngai hai chu, si-lai, darbu, thival, darkhuong, thihna, nabe mantam, bur le bel hai kha a ni el awm ie. An ni hun laia ding chun thil hlu le ro an lo tling a, kei ka nih inti taphawt chun nei ngei an lo tum a nih. A neizo hai chu mihai ngaisang le inza an hlaw hlak.

Thil to ni lo, thil se el thei, thil vang le manto nilo hai chu ro thil tlingan lo ngai thei nawh. A san chu, chuongang thil hai chu hun sawt tak dai, se thei lova ngai, a neitu ta dinga hlutna le tangkaina nei a ni naw lein ro thilhan a lo ngai naw a nih. Ro thil nei thei hai kha an ni hun laia ding chun mi khawsa thei le mi hausaa ngai a nih. Ro thil nei thei hai kha mi chunglen le inza kai an nih. Ro thil hi sungkuo tin neizo a lo ni naw lein a lo hlu em em el a nih.

Tulaia thangtharhai huna ruok hin chu ro thil ding hi a tam ta hle a, hrii le ziek seng ding a ni ta nawh. A tlangpuin ei ni lai chun, rangkachak thil, lunghlu, lungmantam, tangkaruo, in le lo, hmun le hmang hai hi ro thila ei sie le ei ngaihai an nih. Tulai khawm hin ro thil nei thei le hau hai chu mihai inhnar le inza chu an la nih. Ro thil hin mi a hip a, ro tam tak nei hai chun nuhmei le pasal khawm an dit dit an la thlang thei niin an lang. Ro thil lei hin nunghak hmehtha thenkhat khawmin putar khawm pasala nei an rin der naw a, an inneipui el hlak. An hringnun a hlim dim, an hawi dim ti ruok chu ngaituo um takel a nih.

Chanchintha Matthai ziek, bung ruk, chang sawmhina a chun, "Vanah, hangthim le tuiekin a fak siet nawnnaah, rukru han an verpawpa an inruk nawnna chun, in ta dingin ro hai siekhlaw lem ro," tiin a mi hrii a. Hienggang baww hin, hi hnuoia ei damsung hin ro se thei lo, rukru han an inruk thei naw ding, kangmei, tuilien le thlipui han an suk siet thei naw ding ei siekhlaw a tul a. Chu ding chun, inrim le sawl pawitina nei lovin nu le pahai chun thang ei lak seng chu a ni hi! Vanramah ro inkhaw ei nuom baww, ei damsunga dingin hi hnuoi khawvela hin ro inkhaw ei nuom seng baww. Hi lei hin ei sawl in ei inrim hle a nih. Khawvela ei damsunga dinga thil tul a ni baww si leiin ei thei dan danin hma ei pu a, theitawp takmeu chu ei suo tawl a nih.

Hi khawvela mi tam takin ro hlu taka ei ngai, lunghlu, lungmantam, rangkachak, tangkaruo, sum le pai hau, in tha tak nei, hmun le hmang tam tak nei, bu le bal, hausakna chi dang tam tak nei chu ei nuom seng. Hi ding hin ei intiansiek nasa tawl hle a nih. Amiruokchu, hieng thil hai po po hi chu a bo thei, a se thei, inruk hmang thei le meinin a kang siet thei an nih. Hi lei hin mihriem hai ta ding chun khawvela ro hlu tak chu an ni nawh.

Khawvela ro hlu tak chu nau tha nei, nau lekhathiem nei hi a ni lem. Lekhathiem or thienna hi chu inlakpek thei ni lo, rukruhai inruk thei ni lo, kangmeiin a kangsiet thei ni lo, hangthim le tuiek han an fak siet thei ni lo a ni leiin, khawvela ei damsunga dinga mihriemhai ro hlu tak chu thienna na hi a nih. Miin thienna a nei naw chun, sum le pai bakah ro thil tam tak nu le pa han rochunghai sienkhawm, amain a nei zing thei naw ding a nih. Fakzo le hmangzo hun a la hung nei ding a nih. Thienna ruok chu a damsung dai ding a nih. Hi lei hin thienna hi khawvela ding chun ro hlu tak a tling a nih.

TAL TAL NUN-Part I (Strive on)

Rev. Dr. H.M.Songate Songate

"Hmu ta zing inti ka ni nawh a, famkim ta zing in ti khawm ka ni baww nawh...tiem chin tieng chu ka pan tal tal a nih"(Phil 3:12-14)



Paula'n 'tal tal' ati hi ringtuhai ta dinga ei ngir zing theina ding le ei chau le peinaw huna khawm hmatieng ei fepe ni ta dinga a hrii a nih. Chun, huntaww ei inti el nawna dinga a hrii khawm ani baww. Ei pei tanaw pha an naw leh ei tha a faan zo ta naw pha 'thaw tal tal' a ngai hlak. Ei dam nawa bu ei dunaw lai 'fa tal tal rawh' an ti hlak. Ei du naw puma ei fak tal tal kham ami suk hrat tho hlak a nih. Chuleiin, Pathien thlaraua inthanglienna ding chun mani theitawpa in keifan (self stretch) a ngai hlak. Thlarau rama hma sawna ding dam, ei sin thawna kawng tinrenga le inchkulaihai ta ding khawma ei in keifana, ei thaw 'tal tal' a ngai a nih. Mani in exercise pei naw chun hlawlingna khawm inhnar ve lo a tha awm. India hmarsak tienga tlangmihai hin selna leTeireina (perseverance) ei tlasam taluo hi a paw emem a nih. Thil hrim hrim phur hlutin ei tana, mazu mei inzum in an zum bo naww hlak. Hi Pathien thuruk hi ei man fuk naw leiin mi tamtakin ei nina ding ang chin ei phak nawh a, ei tlung theina ding chin ei tlungzo ngai naw nisien a hawi. Sawrkar sin khawm nisien, Sumdawngna tieng khawm nisienla, Pathien ram rawngbawlna tieng khawm nisienla 'hang bawwzi tal tal hi ei tum ngai nawh a, ei phurna so a bo pha ei tawp nawk kuk hlak a nih'. Hi hi ni ngei a tih Lushei tawngin 'Tlingthel a piang pawih tih a zual' an lo ti kha. Taimakna le selna ei nei naw leia ei dawng ding ei dawng naw tamtak a um ka ring hlak.

Thiem lei ni lovin tum tal tal leiin: Kum 2000 kham Eastern University, PA, USA ah global MBA kan inchkulai ka pei ta hlav nawha. A subject a rik a, ka mit (eye) in a zo ta nawh a, Ka sin a rik bawka, program keima tawka thlatin ka nei a. Mak tawp dingin ka ngena. Asia rama kan hotu lientak Philippines nu in Royal Princess of Hotels, Bangkok ah inring lawk der lovin, ka kut a chela a tawngtai thut el a. Hieng hin a tawngtai 'Lalpa Songate hin ala thawthei ti ka ringa, nangin i hrieta, 'thaw tal tal' le tum runa nei dingin varna pe rawh', tiin Hotel lien mi tamlai ami tawngtai khum thut chu! Ka lawm bek nawh. Amiruokchu, ka lungril a thlak danglam hle. Pei le pei lovin, tlin le tlin lovin hma ka hung lak chun Pathien zarin ka tling phak dinga ka ringlo chen inchkuk thei dingin le result tha ka hung dawng phak ve a nih. Amiruokchu, kum 50 tling hnungin Chartered Accountant thlakhat tawp tuition in ka lak a, chu ka tutor, ringnawtu chun mak ati emem! Tuiton fee a tam awm de aw, ti a kan ngaituo lai, chengkhat khawm la lovin ami chibaia kan inzo tawp! Sawl ruok chu ka sawl hle. Hi thuruk hi ruol ban zo manglohai tadinga a pawimaw zie ka man daww. Kan chukna kha ka zuk zo ve el ana, tinn tu chen hin mak kala ti hlak!! Ka puhai pakhat chun Class X kum 9 a examna ah a tling taww! Ka Pu Khuoltinkung, Mizorama mi kpu Class IV kan chuklai Class X a hung exam a, kan la pas inruol ve tlat! A thaw tal tal leiin Mizoramah Headmaster retired ani ve tlat el a nih.

Midang khawmin an lo thaw ve! Hollywood actor Sylvester Stallone chu a piengtira inthawkin a lei (tongue) an tar leiin a tawng tha thei nawh a. Amiruokchu, theitawpin tuktin marble hmuom in a le (tongue) a exercise zie hlaka. Chuongchun, muong changin a hung tawng thei tah a nih. Tuchen hin alei alan tar tun ani kpu. Thaw tal tan na naw chun tukhawmin hlawlingna an hmu thei ngai nawh. Ei Pathien thu hrii thiem Rev (Dr) Vanlalngbaka chun tuchen hin lekha tiem le CD a mi Bible study inchkuk

ala ma naw thu ami hrii. Theitawpin ka entawn tuma, ka phak tawwak chu nasa takin hma ka lak ve in ka hriet. Dittaww inhma taluo lo ding nih! Huntaww ei inti inhma taluo hi ei t hangmawbaww ani hlak. Kum 1982-83 laia Mizoram Synod Zaipawl an indin kham tonic solfa thiem vawng anna chu thla thum sung 10am to 3:30pm an inchkuk ngat ngat a nih! USA, Australia le New Zaleand ah an hmang an inhang filawr ani kha. Pathien malsawm tlakin sin an inrim pei a, nghawk el lovin an thaw tal alna kha Lalpa'n mal a sawm a nih. Ei chau lei le hrat tawknaw leia Pathien bel ding chu ei nih a; amiruokchu, ei ni rawi chun 'ei thabo leiin Pathien ei papek vawng hlak'! Paula kha a sawl hle hlak ni ding ana, a sin thawna, a zinna, kohran a ngaituo leia lung inrimma tamtak neiin a beidawng ruk hlak khawm ning a tih. Chuleiin, kohran a hmangai hai kuomah tha inthla el lova, chau el lova, Pathien ramah hmatieng pan 'tal tal' dingin an fui a nih. Phur chang le mood fuk deu chang chauva thaw ding ni lovin, hlim deu le lawm lai chau ni lovin, sawl le pei naw chang khawma 'hmatieng bana' tiem chin tieng pan 'tal tal' dingin bible in amin fui hi ei nitin nuna dingin a pawimaw emem. Thilpek kawnga dam, tawngtaina kawnga dam, intiemna kawng dang dangna dam, Pathien thu tienna kawnga dam, taimak kawnga dam, inchkukna kawngah dam ei pei tanaw hnungin 'thaw tal tal' kha tan chau ding a nih. Ringna intiansiekna a dam, mani sinthawna hmuom dam, inzung le inchkukna kawnga khawm chau el lova hma lakpei dingin a min fui a nih. Tal tal nun ah ei cheng hmakhat chu, mihriem ei puitling ngai nawh. Ka ruolhai iemanizat hi officer/ IAS hai hi tukhawm a vawikhatna a hmu nhal an an nawh. Pakhat lem chu, a kum a over ding kum in ala tling harm hram a nih. Chuleiin, tiemchin tieng ei tling hma chu thaw t al talna nun ah ei cheng angai. I lo zawi pat hman rek el am ie?

Ieng kan ni bik nawh! Kum 1978 kham Laymen's Gospel fellowship kan indina. Kan phur emem. 'Missionary dam chawm ei ta' kan ti vel a. inzing deu ut in bu kan fak tlang hlak. Lo fam tah iemanizat an um leiin kan hmangai chu hang ziek lang naw inla, chun, ala damhai khawma an lawm bek ka ring baww naw leiin! ICI kohran sunga sawrkar employee vawng kan nih. Chanchinbu "Bethlehem Arasi" tiin November thla in kan insuo a, mipuiin tha anti emem a, kei khawmin article pakhat tawite ka ziek ve nghe nghe a. Rev. C V John in a release nghe nghe a. Group photo kan thaw a, copy lien deu deun kan print a, kan hlimpui emem. A first copy kha thlakna ah kan phar lang deu thup a. Kha lai kha kan ropui laitak a lo nih! December, 1978 issue ding kan buoiptu map mapa a zuk suok el thei ta nawh a. Tukum hi a kum 39 tling kum ania chu ala suok naw zing! Inzak nachang hre inla chu, inzakna khawp chu a nih! Tukhawmin thaw tal tal ei tui kan ti nawh a, kan inti buoi senga magazine chite khawm kan sunzawm theinaw a nih. Chau tak chu kan lo nih. Pathien thu ei lak dan le ei pawm dan khawm hieng ang deu hi ani raww hlak a. Pathien rama hma hei lak tharna khawm hieng ang deu hi ani hlak. Teireina le remhrieta ei nei taww naw bakah, thabona in ami hang zui naww nhal hlak leiin-tiemchin tieng ei pan hman tak tak naw chu a ni hi maw! Unau, nang teh, hlawtling dingin I thaw tal tal hlak am aw?

Samvawmin a se hlum

AIZAWL: Mizoram-a chun zani zingkar kham Pu Hrangchhuana, h/o P Lalbangloi Kawnpui, Chhimveng Chanmari chu Mualvum damdawiin thlang Kutbul rama an huona thlai le hmeruo la dinga a fenaah Savawm leh an insuol a. Pu Hrangchhuana hin Savawmin na takin a se hliema, a hmuom a thi nhal niin ei thu dawngna chun a hrii. Savawm hin Pu Hrangchhuana hi a hmaivun a hik pek chun tum takin thang a lo lak a, sienkhawm a hliema hi tuorzo loin a thi zui ta nhal nia hrii a nih.

Rajasthan-ah ISI agent man

JAIPUR: Rajasthan-a chun zanikhan Anti-Terrorist Squad (ATS) le army han joint operation an thawnaah Jaisalmer-a Kunjarli village-a chun Pakistan inter-Service Intelligence (ISI) agent ni dinga ringhla Hazi Khan chu a chengnain inthaww an man. Mr Khan hin ISI hai kuomah thuruk a thawn hlak nia hrii a ni a, thu indawna nei dingin Jaipur tieng thuoai a nih. Khan hi tuta hma khawm kham man a lo nita a, sienkhawm evidence thaww umnaw leia insuo naww a nih. (IANS)

Economy class vuongna chuongman a tlahnuoi ding

NEW DELHI: June 1, 2017 a inthaww 12% a sumpung a ni leiin chuongman a hung pumng ding a nih. Economy class tax rate sikhnoia um hi sawrkarin mi tamlem vuongna an chuong theina ding ditna leia a thaw niin Industry experts hai chun an hrii. (PTI)

May 2018 chenah In tinah power pek tum a nih: Goyal

NEW DELHI: Sawrkar thlungpui chun kum 2018 May thla chenah India ram sung mitin, intin le veng ting electric power intlungtir vawng tumin hma a lak a nih tiin Power minister Piyush Goyal chun zani hmasa kha a hrii. Censu thawa um dungzuin electric la tlung lona (un-electrified villages) kham 18,452 la um hai lai May 15, 2017 chen kham

khuo 13,469 haiah electric meivar pek a ni ta a, electric meivar la tlung lona khuo 3,992 haia chun tum October thla chena hin In tin meivar an hmu theina dinga hma lak a ni bakah May 1, 2018 chenah khuo 18,452 haia hin electric meivar pek hman vawng dingin sawrkar chun hma a lak a nih tiin Goyal chun rural electrification conference huna thu a hriinaah a hrii. (ENS)

Telangana-ah khaw lum leia thi 167

HYDERABAD: Telangana a chun April 1, 2017 a inthaww tuchena hin boruok lum taluo lei le sunstroke leini mi 167 zetin thina an tuok ta niin state disaster management a senior official chun zanikhan a hrii. Hieng khaw lum leia thi nia hrii hai sukchiengtu

ICSE le ISC candidate han digital marksheet

KOLKATA: Council for the Indian School Certificate Examinations (CISCE) Chief Executive and Secretary Gerry Arathoon chun, ICSE le ISC candidates han tuta hmaa marksheet scanned hard copy an download hlak bansanin digital marksheet an down-

Employment News

COMBINED GRADUATE LEVEL EXAMINATION 2017

Staff Selection Commission (SSC) chun August 8-20, 2017 inkar sung khin Ministries/Departments/Organisation hnan hnan haia thawktu hnan hnan lakna dingin Cobined Graduate Level Examination, 2016 (Tier-I) huohawt a tih. Post ruok hai chu a hnuoia hai hi an nih.

- A**
 - 1. Assistant Audit Officer (Indian Audit & Accounts Dept. under CAG)
 - 2. Assistant Accounts Officer (Indian Audit &AccountsDepartment under CAG)
- B**
 - 3. Assistant Section Officer (Central Secretariat Service)
 - 4. Assistant Section Officer (Intelligence Bureau)
 - 5. Assistant Section Officer (Ministry of Railways)
 - 6. Assistant Section Officer (Ministry of External Affairs)
 - 7. Assistant Section Officer (AFHG)
 - 8. Assistant (Other Ministries/Depts/Organisations)
 - 9. Assistant (Other Ministries/Depts/Organisations)
 - 10. Assistant (Other ministries/depts/orgs)
 - 11. Assistant/Superintendent (Other ministries/ Depts/Organisations)
 - 12. Inspector of Income Tax (CBDT)
 - 13. Inspector (Central Excise-CBEC)
 - 14. Inspector (Preventive Officer -CBEC)
 - 15. Inspector (Examiner-CBEC)
 - 16. Assistant Enforcement Officer (Directorate of Enforcement, Dept. of Revenue)
 - 17. Sub-Inspector (Central Bureau of Investigation)
 - 18. Inspector Post (Department of Post)
 - 19. Divisional Accountant (Offices under CAG)
 - 20. Inspector (Central Bureau of Narcotics)
 - 21. Sub-Inspector (National Investigation Agency-NIA)
- C**
 - 22. Junior Statistical Officer (M/o Statistics & Prog. Implementation)
- D**
 - 23. Auditor (Offices under C&AG)
 - 24. Auditor (Offices under CGDA)
 - 25. Auditor (Other Ministry/Departments)
 - 26. Accountant/Jr Accountant (Offices under C&AG)
 - 27. Accountant/Jr Accountant (other ministry/ Departments)
 - 28. Senior Secretariat Assistant/Upper Division Clerks (Central Govt. Offices/Ministries other than CSCS cadres)
 - 29. Tax Assistant (CBDT)
 - 30. Tax Assistant (CBEC)
 - 31. Sub-Inspector (Central Bureau of Narcotics)

Hieng sin hai lakna dinga inhnikna nei han SSC website: ssc.nic.in ah thu chienglem hriet thei ning a ta, online application chu www.ssonline.nic.in fetlengin May 16, 2017 a inthaww June 16, 2017, 5:00PM chenin pekult thei ning a tih. Application hi Online chau pawm ding a nih.

Sawrkar chun gender balance a ngaipawimaw leiin nuhmei tamlem in an apply ngei a nuom a nih. Manipur-a dingin Imphal (5501) le Churachandpur (5502) hai khawm Exam Centre-a hmang ning a tih.

MAHUD Minister-in suoksan dingin

IMPHAL: Greater Imphal, Khuman Lampak, DM College, Nagaram River Bank, Imphal Art College, Law College, Market area, Thangal Bazaar, paona Bazaar, Singamei, Thoubal le Bishnupur hai dan lo le phalna bova sawrkar hmuom umhai po po chu kar thar sung ngeia an hmangruo/thuomhna hai leh lo suoksan vawng dingin MAHUD, Town & Planning minister Mr Th Shyamkumar chun an hriettir. Minister chun, hieng

Pawisa lem leh mi 2 man

JALUKBARI: Zani hmasa kham Assam-a Jalukbari hmunah chun pasal pahni- Musaraf Ali (45) le Sahajul Haque hai chu India pawisa Rs. 2,000 notes lem pahni leh Police han an man. Thu indawna nei

Heroin Rs. 50,000 manhu leh mi pahni man

GUWAHATI: Assam-a chun zani hmasa kham Gandhi Basti Tinali hmu-na pasal pahni- Saaeed Ahmed le Saifuddin hai chu Heroin grams 2, in-

Congress MLA thatna case-ah MP minister chungah NBW

BHOPAL: Kum 2009-a Congress MLA Makhnallal Yadav nunrawng taka that a nina case fe mekha BJP sawrkar Madhya Pradesh-a Bhiind district court chun minister of state for general administration Lal Singh Arya hming khawm an thangsaitir. Hi chungthua hin special judge (SC/ST Atrocities) Jogesh Kumar Gupta chun Lal Singh Arya chunga hin non-bailable arrest warrant (NBW) an suo. Opposition Con-

ALL INDIA RADIO: CHURACHANDPUR PROGRAMME

Date: May 21, 2017 (Pathienni)
TRANSMISSION- FM-101.4 Megahertz

Hours	Studio/ CR/P	Programme
4.53pm	CR/P	Signature
4.55pm		Vande Mataram, Time Reading, Opening Announcement
5.00pm	P	Hymns to God : (WM) LL Muona
5.05pm	P	Local Announcement/Prog. Summary
5.10pm	P	Minor Dialect (Gangte): BYF Chiengkongpan (dev)
5.25pm	P	Western Music: Different artists
5.30pm	P	PAITE Prog. Sig. Tune & Announcement Announcer: Paumuanching 1) G. Tuankhanmung & party (dev)
6.00pm	P	HMAR Prog., sig. Tune & Announcement Announcer: Elizabeth 1) Lalhminglien Ralsun & party (dev)
7:00PM	P	THADOU Prog., sig. Tune & Announcement Announcer: Nekholet 1) DTS K. Salsbung (dev)
		Farm & Home: Hmar 1. ICI Central Choir (dev)

Editorial Board

Lalmalsawm Sellate: Editor & Publisher
Roding L. Sellate: Jt. Editor
Joseph Joute: Freelance
Lalsansuok Pulamte & Samuel Zothanglien@SZ Zote: Sports
Lalruotlien Dulien: Computer Assistant
Edited & Published by Lalmalsawm Sellate at HT Office, Lighthouse Lane, Churachandpur and Printed by him at Lamka Super Printer, Vengnuam, Hiangtam Lamka, CCPur, Manipur.

LAKTAWI

India pawisa lem Rs. 1.4 lakh anghu leh mi 2 man

SHIMLA: Shimla Police chun zanikhan Punjab-ferozpur mi pasal pahni Daulat Ram le Harnak hai chu India pawisa lem Rs. 1.4 lakh anghu leh an man. An man na hmum hi Shimla-a inthawk km. 15 vela hla a nih. Mana um hai hi zani hmasaa kha pawisa note lem thedar dinga Shimla hmuna hung an nih tiin Police thusuok chun a hril. (PTI)

Aadhar deadline ni lo ding

NEW DELHI: Sawrkar thlungpui chun social welfare scheme hran hana hamthatna dawng theina dinga Aadhar lo thei lo (mandatory) dinga deadline June 30, 2017 chen dinga a lo puong ta chu pawtsei ninaw nih tiin zani hmasa Khan Supreme Court an hricttir.

Activist thenkhatin Aadhar lo thei lo dinga sawrkarin a puongna thua deadline an siem hai le inzawma hearing nei huna hi thu hi Supreme Court an hricttir a nih. (ENS)

Gram Panchayats po poah high speed internet

HUBBALLI: Union Minister of state for Communication Manoj Sinha chun, kum 2018 kumtawp chenh India rama gram panchayats hai po poah high speed internet facility (100mbps) pek vawng ning an tiin zani hmasaa Kumara Mahaswami piengchampha 150-na le inzawma postage stamp a tlangzarna huna a hril. (ENS)

UP-a Bus kangah mi 4 an thi

BANDA: Uttar Pradesh-a chun zani zingkar 9:30AM vel khan Banda district-a Jaspura hmuna electric hrui inbawng tla thla in Bus a dengfuk lein Bus driver in a motor khal control thei- lo a um lein electric ban a baw a, Bus hi a kang lein mi 4 in thina an tuok bakah midang 15 in hliema an tuok. Hliem hai hi hospital panpui an ni a, thil tung dan suizui mek a nih. (ANI)

Iran President dingin Rouhani thlangtling nawk



TEHRAN: Zani hmasa Iran Presidential election neia chun President ni lai Hassan Rouhani chu Iran President 12-na dinga thlangtling nawk a nih. Rouhani hin votes 57 percent a hmu a, an khingpui Ebrahim Raisi chun 38.2 percent a hmu niin Interior minister Abdolreza Rahmani Fazli chun a hril. Hieng laizing hin Rouhani inkhingpui (challenger) Ebrahim Raisi chun vote thlak danah thil indiklo a um tiin complaint a siem.

Jawan thina tuok sung hai kuomah Rs. 1 crore zangnadawmna pek ning an tih: Rajnath Singh

NATHULA: Union Home Minister Rajnath Singh chun zanikhan China le inrina bula um state Chief Ministers 5 hai Gangtok khawpua security review meeting hmasatak a neipui a. Central Armed Police Forces (CAPF) hnuoia sipai helpawl hai tukdawna le ram sanhimna dinga hringna inhlantu (martyrs) sungkuo hai kuomah zangnadawmna Rs. 1 crore (cheng vaibelsie khat) pek ning an ni ding thu le Paramilitary forces a constables 34,000 hai chu head constables a inkaisangtir an ni ding



thu Home Minister Rajnath Singh chun security review meeting huna hin a puong. Jawans hai hasratna hrictthiepui chu sawrkar mawpurna a ni a, hi lei hin Ministry of Home Affairs (MHA) chun CAPF

personnel hai ta dingin an hasratna hai an intun theina ding Mobile Application a lo tlangzar ta a nih tiin Singh chun a hril baw. Security review meeting hma hin Home Minister chun India le China ramria

border post hai khawm va sirin security ngihmun a enawn a, ITBP jawans hai chu an hasratna ministry in a hung hriet le chingfel zung zung theina dinga tula hnaia Home ministry in a lo thaw tan Mobile Application chu hmang tangkai dingin an fui tawl.

Home Minister chun ITBP han high altitudes allowances pekna kawnga uniformity nei dinga rawtna an siem chu a hung bawzui ding thu a tiem baw. Sino-Indian border hi km. 3,488 a sei a ni a, hi laia kms. 1,597 chu Jammu and Kashmir, kms. 200 chu Himachal Pradesh, kms. 345 chu Uttarakhand, kms. 220 chu Sikkim le kms. 1,126 chu Arunachal Pradesh le inri a nih.

Indo-Tibetan Border Police Force (ITBP) han hieng ramri hai vengna sin hi an thaw a, tuchena hin Border Out Post (BOPs) 173 hawang a nita a, hi laia 35 hai chu J&K western sector huomsunga um an ni a, 71 hai chu Himachal le Uttarakhand inkar laia um niin eastern sector Sikkim le Arunachal ah BOPs 67 an nih. (ANI)

THINA CHUNGA LAWMTU HRILNA

Tarik 16-5-17 a kan nawnu Nk. Lalremkim (54) in chatuon ram a mi lo inlawisanna le inzawma, a nat tira inthawk ka sawl, ka kham khawm ti loa mi buoipui- tuihai po po chungah lawmthu kan hril a. A hung dam nawk ngei mi beiseipuia thisen hlutak mi petuhai po po chungah khawm lawmthu kan hril takzet a. Chun, a sinthawna tieng Delhi a mi lo buoipuitu Delhi mipui le DHWA thuoituai po po chungah khawm lawmthu kan hril baw. Chun, a thi zana a ruong mi khawvarpuitu khawtlang nu le pa, nunghak-tlangval, Val Upa hai in renga chungah khawm lawmthu kan hril tak meu a nih.

Chun, wavisunni chena thu le hla, kutchawi neia kan nawnu thina mi hung sunpuituhai po po chungah lawmthu kan hril baw a nih. A thi thu hre a hmuntin a thlangthi siem a, mi lo sunpuituhai po po chungah khawm lawmthu kan hung hril sa ngah baw a nih.

Kan chungah in thatna, in hmangaina hi keini chun iengtik khawm kan rul zonaw ding cheu a ni lein Malsawmtu Lalpa'n in rengin a let tam takin malsawm sien cheu ti chu kan ditsakna le tawngtaina hla ni rawp a tih.

In hmangaina dawngtu:

A nu- Khuongnem le a nauhai Rengkai, Churachandpur.

Nunghak in a suolluitu godman til hmang thei talo dingin a atbawng pek



THIRUVANANTHAPURAM: Kerala-a chun Law inchuklai nuhmei kum 23 mi chun kum iemanizat liemtai inthawka lo suolluitu self-styled godman Gangesananda Theerthapada aka Hariiswami (53) chu zani hmasa zan khan a tilte a atbawng pek a, Thiruvananthapuram Medical College-ah admit le enkawmek a nih. Hariiswami hi Kollam-a Panmana Ashram member hlui a nih.

Self-styled godman til atbawng pektu nunghak chun kum 16 mi a ni

laia inthawka sex thila a lo chawkbui lo suollui tan ta a ni thu a hril a. Khum beta zal a pa damnaw enkawlna kawnga thangpui dinga inhrilin a nu inhmupui dingin godman hi an Inah a hung hlak a, hun remchang a hmu zatin godman hin a suollui hlak niin Police hai a hril a.

Hi nunghak in a hril peina chun, nidanga a thaw dan ang bawkin Zirtawpni zan khan kan inah hung nawkin mi zalpui nawk a tum a, chemte ngei takel ka lak vat a ka bei el a nih tiin a hril.

US-a Pre-college science competition-ah India mi in pakhatna



NEW DELHI: Khawvela pre-college science competition lientak US a nei a chun India mi Prashant Ranganathan chun environmental engineering category-ah a project biodegradation of pesticides ah pakhatna a lak.

Prashant Ranganathan hi Jamshedpur mi grade 12 inchuklai a ni a, hi Intel

International Science and Engineering Fair a in India ram hmum hran hrana inthawk a high school student chawpui mi 20 chuong hai le zu thang an nih. Khawvela rambung tum tum a inthawk students 1700 chuong zet chawlkarkhat sung aw competition-a hin an thang a, zani hmasa khan zo a lo ni tah.

Ama baka hin categories tum tum top awards dawng hai lai Indian Americans 4 an thangsaa baw. A project hin loneitu hai nasa taka a thangpui ding thu Prashant Ranganathan chun a hril. (AIR)

DRDO Chairman S. Christopher hun kum 1 keisei

NEW DELHI: Sawrkar thlungpui chun Defence Research and Development Organisation (DRDO) Chairman Dr S. Christopher hun (term) kum 1 dang a keisei pek nawk. Dr S. Christopher hi aeronautical scientist niin tuta thla tawpa a kum 2 term hmangzo ta ding a ni a, sienkhawm kum 1 dang DRDO Chairman sin la chel nawk dinga a term hi keisei pek a nih. A term keisei peka a umna hi May 29, 2017 a inthawk tiem fan ding a nih.



Modi sawrkar chun tuta hma mi pakhatin an chel hlak scientific adviser to the defence minister-cum-DRDO Chief chu May, 2015 khan a thenhrang a, Dr Christopher hi DRDO Chairman dinga ruot le ama neka junior le scientist G. Sathesh Reddy chu SA to Defence Minister sin incheltir a nih. (TNN)

FBI Director Comey in May 29 ah Hrilfie Ding



WASHINGTON: November 2016 US Presidential election ah Republican candidate Donald J. Trump a tling theina dingin Russia le thangruolin, Democrat candidate Ms Hillary Clinton e-mail thu indik naw takin an phawrlang ti thubuoituu, ni khat lai ela President

ning a tih tiin Senate Intelligence Committee chun a hril baw.

FBI director James Comey hi President hlui Barrack Obama ruot a nih. FBI director dingin kum 6 neka sawt term la nei, Russia thubuoituu ngawr taka suitu a nih. A tir chun President Trump khawmin sin thaw ta tiin a hril a. Amiruokchu, Russia le Trump intumna thubuoituu neka ching nawk zual le hrat lema sui a tum charin Trump-in a ban tah a nih.

James Comey hma hin Trump-Russia e-mail thubuoituu baw National Security Adviser Michael Flynn khawm a "pur inthuk taluo" lein Trump-in a lo ban tah baw.

Law ministry in Judges thar 16

NEW DELHI: Law ministry chun zani hmasa Khan India rama High Courts 5 haia ding Judges thar 16 a ruot thar.

Judges thar dinga ruot thar 16 hai laia 6 hai chu Patna High Court Judges ding an ni a, 4 hai chu Gauhati High Court a ding le Uttara

rakhand le Jharkhand High Court haia ding Judges 2 ve ve le Sikkim High Court-a ding judge 1 an nih.

May 1, 2017 chena Khan High Courts 24 haia Judges post ruok 350 an um a, hieng high Courts haia Judges um ding zat chu 1,079 a nih. (PTI)

Constable inhmag nasa takin an zawng zing

SRINAGAR: May 14, 2017 nia inthawk a umna chin hrict Iova inhmag, Srinagar khawpua post-ing Jammu and Kashmir Police-a constable Sameer Ji Kumar Police

han nasa takin an zawng zing a, thenkhat chun constable Kumar hi vawngah an chawmlut niin an hril tiin zanita official thusuok chun a hril. (PTI)

Armstrong Bag, Thlapa Lung A Paina Lilam Ding

HOUSTON: Khawvel mi- hriem thlapa sanga lut hmasatak, Neil Armstrong-in Apollo 11 rocket hmanga thlapa (Moon) sung a luta, thlapa leitung (pil le lung) a rut khawmhait a hung paina Bag (Lunar Sample Return) ti inziek chu New York-a thil lillamtu Sotheby chun thlapa a lotna chawmlut July 20 khin lillam (zawr) a tum. Hi Bag hin \$4 million USD bek chu a lam suok ring a nih.



Neil Armstrong chun Apollo 11 a inthawkin vungna te dang Eagle-in thlapa sung a vuong lut a. Sea of Tranquility an itina hmuna Edwin "Buzz" Aldrin leh an tum a. Thlapa leitung kea sirin, "One small step of a man, a giant leap for mankind" a tih a. Hi Bag hi a pai a, lungete le pilhai chu scientist hai inchu dingin a hung pai teu a nih.

and Space Administration (NASA), head of exhibits, Mr Jim Hull hril dan chun, "Hi Bag hi Apollo 11 mission le inzawma artefact (thil hlui le hlu) hai laia mi official taka zawr suokna (lilamna) hmasatak ding a la nih a. Apollo 11 thlapa a lut kum 48-na anniversary July 20 ah nei ning a tih" tiin a hril

thuumhnawhai hi zawr khap an nia chu, tamtak, thlapa pil le lung thangin, black market ah zawr ruk hlak an nih ti hrict a nih a. Tuta Bag khawm hi NASA in hun sawt tak a neitu kuta inthawka lak a tum char hrungin a thei nawa. Sotheby kut a hung tung a nih.

Apollo 11 mission kha July 16, 1969 khan Columbia vanboruoklawng

(spacecraft) hmangin vansi-pai pathum phurin Houston, Texas, US a inthawkin kap suok a nih a. Ni li hnungin, Neil Armstrong le Edwin "Buzz" Aldrin chu Eagle vuongna hmangin thlapa leitung an zu tum a. Datar 22 sung thlapa pil le lung-hai an rut khawm hnungin, thlapa lo hel zingtu Columbia boruoklawnga anni lo ngaktu Michael Collins chu an hang zawm nawk a. Hnuoi tieng an hung vuong kir nawk a, July 24-in khawvel an hung lut nawk tah a nih.

Thlapa lung hung paina Bag hai hi a chang chu mix-up an nih hlak a. Tuta mi chu Armstrong pang nei kha a nih ti fie a nih tah a. Thlapa pil hlak hai khawm a la um a nih. Tum khat chu hi Bag hi US Department of Justice han an thil suina le inzawmin an man/lak a.

PIGROW Tablet

VAWK INTHANGNA DAMDAWI

I vawk zawr hun tingna dingin kum khat nek tam ngahk ngai tanaw nih.

A THATNA:

- * PIGROW mum hi Company-hai ti dan ang taka i pek chun thla 5 sungin kg. 70 chuongkai hman a tih.
- * PIGROW mum hin, i vawk chu i pek thana inthawk chawl der loin an thang tir thei.

A PEK DAN DING:

- * Vawk pakhatah nikhatah mum 20 (zingtieng mum 10 le zantieng mum 10) pek ding.
- * Box khat ah mum 600 a um a, chu chu thlakhat sunga a fakzo ding a nih.
- * Rawt phita pek in fak awlsam an ti lem.

INCHAWK THEINAHAI:

1. Hmingi Bethel, CCPur # 8414852391
2. L.K. Screen Printing Lighthouse Lane, CCPur
3. Pet Care Centre, Tiddim Rd. CCPur.

Order tam dan dungzuin HOME DELIVERY khawm kan thaw thei.

Police pakhat Rifles 4 leh a tlanhmang

SRINAGAR: Central Kashmir-a Budgam district-a chun Police constable Syed Naveed Mushtaq chu zanikhan Rifles 4 leh a tlanhmang. Constable Naveed Mushtaq hi Chandpora area-a Food Corporation of

India (FCI) godown a post-ing a ni a, Ama silai chaw lai INSAS Rifles bakah a ruol dang mi 3 hai Rifles hai laa tlanhmang a nih. Hi chungthua hin departmental inquiry thaw mek a nih. (PTI)

"Cyber Attack" Intumna N. Korean'n A Hnawl

PYONGYANG: UNO a North Korea palai Kim In Ryong chun, ni khat laia khawvel pumpuaia "Cyber attack" rapthlakta "WannCry Ransomware" company 300,000 neka tam rambung 150 hai chawkbuoitu kha thenkhatin North Korea an intum angin, North Korea thaw an nawh tiin a hrilfie.

Lab hai chun WannaCry software code hmasa hai ang kha North Korea-a hacker group Lazarus Group hai code hmang leh an ang an tih a. Hi thu le inzawm hin WannaCry software code chu North Korea a inthawka suok ni dinga ring pawl an um a nih.

Mr Kim In Ryong chun, "Tiridakum taluo, awium lo lo" a nih, "hi cyber attack le North Korea hrilmil chu thil thei lo a nih" tiin a hrilfie a. "Thil iemani mak deu le tha lo deuh a um zata, North Korea thaw ni dinga ring elna lunguril hi US le a ruolhai mizie hril hrim a nih" tiin news conference ah North Korea thaw a ni am ti an indawnaah a hril.

Zirtawpni khan UN Security council-a North Korea chungah economic sanction puongna um hlen dan le thil umdanhai enkaituhai website chu "hacked" an nih ti thu hrict a nih. Hack-tu hi North Korea a inthawka suok nia hrict a nia chu tu tak am hriet ching an naw lein puong a ni nawh, tiin Reuters chun a hril.

Thawtanni khan Symantec (SYM.C.O) le Kaspersky

Hienglai zing hin French mithiemhai chun "encrypted file" hai sansuok/restore dan an hmu suok tah niin an hril.

China Lawngai Myanmar An Hung Tung

YANGON: China Navy hai lawng iemani zat chu Ningani khan Myanmar an hung tung tah a, ni li sung chu Myanmar sipaihai leh communication, search and rescue le Navy military exercise dang dang hai in chukin thaw tlang an tih tiin China Defence Ministry thusuok chun Inrinni khan a hril.

inthawka an nei tah chungchng thuah hmantieng peia fedan ding Code of Conduct thua frame-work an ziek ni takin Myanmar an hung lut a nih. Myanmar ram thuoitu Aung San Suu Kyi, foreign minister ni baw le Chinese President Xi Jinping hai Beijing ah meeting an nei huna an inbiek hnunga hi thil hi thaw a nih.

China Navy thupe- sawngtu Wu Qian-in ministry website -a a post dan chun, "China chun Myanmar le inbiekpawna hai suokhrat a, inlaichinna hai siemtha a, hi lai biela remna le muongna a um theina dinga thang ruol danhai an inchuk ding a nih" tiin a hril.

China lawngai hi, ASEAN lambungai le China han South China Sea thua buoina hun sawt taka a pek suok tah a. Lilamna sum hmu a hlawk po chu a lekha lo inchukna Northern Michigan University-a Scholarship siema inchuklai thiem theihai thangpuina dinga charity pek suok a tum a nih. Ms Carlson chun Bag hi Dollar 995 chauva an chawk a nih.

TUOLSUNG/Imphal etc ADC Chairman Pu Khaipao bu an fapui

CCPUR: Ramthar Village Authority chun May 20, 2017 zantieng khan Pu Khaipao Haokip, Chairman, ADC, CCPur chu ADC, Chairman a hung chel lawmpuinain bufakpuina an nei. Pu Khaipao Haokip hi Kholmun MDC Constituency-a inthawk MDC a thlangting a ni a, M. Ramthar khawm hi hi constituency sunga um a ni naah ADC Chairman a hung chel an lawmpui



suklangnaa bufakpuina hi an nei a nih. Pu Khaipao Haokip chun, ADC, CCPur Chairman a nia inthawk a constituency sunga lawm-

Tribal Rights & Forest

CCPUR: May 27, 2017, 10:30AM khin Tribal Youth Council, Manipur (TYCM) huoihawntain TRI Hall, Chingmeirong, Imphal hmunah "Tribal Rights & Forest" ti thupui hmangin hun hmang ning a ta, hi hunah Lok Sabha

MP hlui Mr Mani Charanmei special guest in thang a ta, Dr Lokho Puni, IFS, Chief Conservator of Forest, Manipur; Dr R. Sanga, Director, School of Preaching, Imphal le Dr Benjamin Dangmei han thupui hnan hnan hmangin thu hril an

Awareness Campaign an nei

CCPUR: Zomi Mothers' Association (ZMA) GHQ huoihawntain zani 11AM khan Synod Hall, IB Road, CCPur hmunah One Day Legal Aware-

ness Campaign an nei. Hi hunah Muani Tombing, Counsellor, Lainat Ministry; Mang, Adviser, ZMA le Siamzading Valte, Adviser, ZMA han Legal

Shirui Festival zofel-sunzawmna

thla tawp le July thla bul tienga par hlak Shirui Lily hi tha taka venghim a pawimaw thu a hril lain, enkawl thatnaw le hmang pawlawt taluo laka inthawka a rem tiel tiela a mang (bo) vang hnunga la sukhring tawp tawka danga ICAR hmalakna le research hai lein lawmum a ti thu a hril a. Hi parte mawi tak hi venghimna kawngah scientific le natural taka thaw tlang seng a pawimaw thu a hril.

hrilin, tlangram le phairam inruol taka hma a sawn theina danga pawimaw pakhat chu Tourism hi a nih a. Hieng Shirui Festival hai anga inthawk hin inlaichinna tha lem hung siemin, infepawna le inbiekpawna thalem hai hung siem peiin hi Festival a inthawk hin economic tieng chena hmasawna khawm a hung intlung negei a beisei thu a hril baw.

Festival le parte bakah Ukhrul hin hmasawna ding a la hau em em a. Harsatna lientak pakhat hmabak chu dawn ding tui hi niin a hril. Hi khawm hi Shirui tlang laia ramhai suksiet an nih leia tui kang a nih a. Tui umna ding chun ram le thing le ruohai hmalan an tul zue uor takin mipui fekhawmhai a hril tawp baw. Governor chun Manipur state rethei zie

CM-in Police Hlimehai A Va kan

IMPHAL: Chief Minister Mr N. Biren Singh chun Zirtawpna Manipur Police pawl khat helpawl t henkhatin Kwatha Lamkhai, Tengenoupal district-a an lo lambunnaa hliem mi palihai SHIJA Hospital ah a va en tawp a. Tharuma inbeina chu demin, "Ei rengin hnam hnan hnan, t awng hnan hnan nei nih inla khawm thisena inzawm vawng ei nih a. Chulein, ei inhiethieng nawnahai khawm tawngbaa inbieka sukfel pei ding a nih" tiin a hril.



development a um theina ding ti a nih a. Kut chawi (silai) nei pawlhai le kut chawi neilo (mipuihai) khawm nisien, an renga kuoma inremna le muongna thu hril a nih" tiin a hril baw. Bomb sukpuokthuhai

Bengaluru FC le Mohun Bagan in vawisun final an inkhel ding



Federation Cup football tournament fe mekah vawisun hin Cuttack, Odisha-a Barabati stadium-ah Defending Champion Mohun Bagan le Bengaluru FC han vawisun hin final inkhel an tih.

hnein final an lut a, Mohun Bagan hin East Bengal 2-0 in an hne a nih. Defending Champion Mohun Bagan hi Federation Cup champion vavi 14 lo lata an nih. Vawisuna Bengaluru FC le Mohan Bagan han final an khelna hi zant-

SPANISH PREMIER LEAGUE: Table mawngdapa um Granada chu an khelmuol ngeiah Espanyol lakah an tlawm

Spanish Premier League fe mkah Zitawpni zan khan inkhel pakhat a um a. Espanyol chu Granada khemuolah a van zin a, hlawling takin point pathum an va hlawsuok. Inkhel tan a ni chara inthawk minute 3 na chauah Espanyol chun Leo Baptistao hmangin goal hmasa an thun a. Chu zo minute 8 naah Granada tieng chun Ruben Vezo hmangin anni goal tieng an thun pal lein Espanyol chun goal hniin hma an thui hri a nih.

Anachu minute 22 naah muolneitu Granada tieng chun Pareira hmangin goal khat an hung thun ve a, half chenhah 1-2 in an chawl hri a nih. Second half-a khawm goal dang a lut sap naw lein Espanyol hai chu 1-2 in hratna an chang a, point pathum an hlawsuok ta a nih. Hi inkhel hi an inang tawp thawkkhat hle a, mikhuol tiengin ball an changrawn meta chu muolneitu tieng khawm an khel

Pippa Middleton Mo Form Rs.32 Lakh Man

LONDON: Kum ruk liemtah (2011)-a Britain lalnau William le Kate Middleton an innei lai Maid of Honour ah zakuo tight deu haka, a unu Kate mo form cheltua a thanga inthawka mi hriet hlaw ve tan. A pasal ding James Matthews, taima le millionaire, London Mihausa sungkuoa mi a ni leia inlar zual nawk pei, kum 33-a upa Pippa Middleton pasal neina chu a beisei phak bakin a ropui a. Tu kuma Britain mo lawmna ropuitak a la nih.



inthawka Km 50 vela hla Engefield-a kumzabi 12-na laia bawl, St Mark Church, Biekin hlui tak le chite chau ah an innei a nih. Mikhuol khawm fiel bik 350 vel chauh an neia chu Kate unauu a ni lei le Britain mi hausa sungkuo nuhmei a ni lein mikhuol le sengso khawm ring nekkin a tam a. A thu khawm an nuom nekkin an lar a nih. Pippa pasal James Matthews (41) hi a tir chun mi hausa sungkuoa seilien an nawh. A nu Jane chu artist a nih a. A pa David chu Car zawrtu niin St Barth, Ca-

sengso, thilmanhai khawm, aman tlawm takhai tia remruot a nia chu an to thei em em. Mihausa an nih ti an hriet leia bill insang a nih el thei. Biekin hmang hman Rs.37, 392 (£456) chau a ni laiin, innei zova lawmna ding Hall (Marquee), Belgium a inthawka 'glass orangery' phur lutha siem, a bang le chung glass var, hmu tlang thei, mi 300 neka tam inlengna Hall man chu £100,000 (Rs.82 lakh vel) a nih. Hieng ang hall (Marquee) hi Prince of Wales, William ta dinga bawl theina right neitu umson Peppers Marquees hai chauvin an bawl thei. Inneinaa sengso ding po po an riuong chu: fak le dawn, mi pakhata £200 pei hisapin, £70, 000, Drinks £17,720, Parte (Flowers) £16,000, Photography £3,500, VIDEOGRAPHY £4,000, CAKE £2,600, STATIONARY £5,125, MUSIC £6,750, WEDDING RINGS £19,900, GROOM-SWEAR £6,050, DECORATION AND PRODUC-

Kimberly Garner Gown leh Red Carpet ah

NICE: Kar hmasak ela a bielpa le an inthe tah ti tu le mi thar 'great personality' a zawng mek thu a puong zovin Kimberly Garner chu Cannes Film Festival 2017 ah Gown taksa rawng, nal danglam tak leh Red Carpet a hung hraw ve a, a thu puong lei am a nal reng reng lei, mi tin mit le thlalakna-hai ama tieng an ngha fur el a nih.



"Made In Chelsea" star, kum 27 nunghak, vacancy um thar hin inlang tlang thei (transparent) zakuo le puonbil inkawp infuol dum hmak el a hak a. Bodice le puonbil inkawp Gown hi a awmbar lai po a suklang vawng baw lein a figure nalzie thup thei an nawh a, ngaituo sei rak khawm ngai lovin hmu thei vawng a nih. Taksa rawng lace hruinin dara inkhai mei a nia, a taksa le puonbil hriet hnan a harsaa saruok (naked) a hawi el a nih. A sam khawm hlimin a hungtieng 'pony tail' angin a khit a. Simple takin incheina kutsebi le rangkachak thi ti vel ruok chu a awr w nawh. A ruolnu model Amy Jackson leh an hung a. Amy khawm Gown var, Silver colour leh, tulainga an la hmang bek lo hmatiang an la hung uor ding Gown colour le style a nih. Kimberly hin Zirtawpni khan, tu khawm an hrietlo a bielpa a the thu a puong a.

Olivia Wardell, Britain's Next Top Model 2017



LONDON: Kum 18 chauva upa, ni kuma A-Level in English, Textile & Law zo thar, Timbsbury, Hampshire a um Olivia Wardell chu Britain-a Next Top Model 2017 dinga thlang a nih. Olivia hin ama ang thova model khawvella inpholang tum ve hmel tha le nal tak tak nanghaki 11 hai a khum khel vawng a nih. Inkhina chi hnan hnan hai zoah a khir tak le harsatak chen pal tlang zova Top Model dinga thlang Olivia hin, model ni tuma a thiltum sukpuitingna dingin khawvel pumpui hmun hnan Boohoo and Dorothy Perkins hai leh fashion campaign a fe ding a nih. Final ah tamtakin Top ding an ring Jennifer Malengele (23) le Alannah Beirne (23), ama neka upa ve ve a khum a. Judge han result an hei puong chu lawmin a tap hlawl a nih.

Clancy chu ama zirtirtu ding a lo um hlau a. "In pholang, inhawng nasa taluo. lengkawm thup i nei nawh - i taksa po po an lang vawng. Var umna zawnah i hmel suklang rawh. Hi hi i last chane a ni lein mi hang impress raw leh" tiin a lo infui a. Chu chun thangpuuin Top a lak tah a nih. Tuipui kamah zala, a kut a kehail nal tak taka hei sie vel chu sawl a um pek hle a. Judge han a kut le kehail sie dan ding an hriil ang anga phaiphin laia hei sevel pei chu rinum hle baw a tih. Amiruokchu, a thuawina le thawkrinna chun lawmman a hmu tah a nih. Fit 6 le inchi khat zeta insang Olivia hin model career hi a pi kum 82 mi, model hlui a inthawka a lak a nih a. Fashion industry-a model a ngaisangtak chu Kendall Jenner a nih a. Tuta inthawk chu fashion designer hmingthang Vivienne Westwood le Versace hai ta dingin a cat-walk ve tah ding a nih. Top Model nina dinga an inelna thauh, "Ka la thaw ngai thak lo 'cat-walk' dam

Russian Billionaire Usmanov in Arsenal inchawk a tum



LONDON: Russian billionaire Alisher Usmanov chun Arsenal control vawng tumnain rival majority shareholder Stan Kroenke a inthawk dollar 1.3 billion (pound 998 million, 1.1 billion euros) in Arsenal chu inchawk a tum niin Financial Times report chun a hril. Uzbekistan born Usmanov hin Premier League Club a hin 30% share a nei a, tulai hnai el klan hi club a 67% share nei Kroenke

kuomah lekha thawnin inchawk a nuom thu hi tulai hnai klan a hril a nih. Usmanov lekha thawn le rawtna hi Kroenke in dawnna a la pek hri naw nia hril a ni a, sienkhawm American sports mogul hin zawr tiengpang lungriila nuomma a neinaw niin report chun a hril. Tuta hma khawmin Usmanov in Arsenal pumpui inchawk a tumna hi Kroenke in lo hnawl pek ta a nih. (AFP)

Nikita Kryos kum 10 sung ban

American tennis player Nikita Kryonos chu sport's anti-corruption programme a bawsiet tia intumna le inzawma thiennaw inchantir a ni lein kum 10 sung inkhel thei lo dinga ban a ni bakah fine dollar 20,000 (pound 15,380) chawi dinga a chungthu rel a nih.



WBC title inchu dingin Callum Smit le Anthony Dirrel an inhnek ding



Kawltu um lo WBC super-middleweight title inchu dingin undefeated Liverpool boxer Callum Smit (27) chun September 9, 2017 khin Los Angeles hmunah American boxer Anthony Dirrel (32) an hnekpu ding niin Callum trainer Joe Gallagher chun a hril. Callum trainer Joe Gallagher chun, Smit hin Anthony Dirrel le hi title inchu dingin contract a ziek ta ngei thu a hril. Smit in mi an hnek-

puina nuhnung tak chu December, 2016 kha a ni a, vavi 22 inhneknaah hratna a la changvawng bakah 17 hai chu knock-out-a hratna chang a nih. Dirrell khawm hi boxer tha takel, elementary

school a kai laia inthawk boxing khel tan a ni a, US National Amateur Championship bakah kum 2004 Olympics ah middleweight division-a bronze medal lo la ta a nih.

Dominic Thiem in Rafael Nadal a hlap daw

ROME: Rome Masters tennis khel mekah Austria mi Dominic Thiem chun zani hmasa khan Rafael Nadal chu 6-4, 6-3 a hnein Nadal chu Rome Masters a inthawk a hlap daw. Nadal hi champion vavi 7 lo nitah a ni a, sienkhawm eight seeded Thiem hin a hneban ta hlau a nih. Thiem hin quarterfinals a inkhel ding four-time winner Novak Djokovic annawleh second seeded le unseeded Argentinian Juan Martin del Potro hai a hrat lem lem an hlap pui nawk ding a nih.

